

цвет звездный прельстися, и помысли гордость, и отпаде истинны, о нем же рече господь: «грядет мира сего князь и во мне не имать ничтоже». ^с || Елицы иже мниси, обещавшися богови во ангельский образ, ^{л. 199 об.} вдающе же над собою область дьяволу, гордости величания ради древняго дьяволя художества? Мних бо есть истинный, еже жносяи смирения образ, аще же ищет высоты мест — се есть корень всего зла, в нем гордость дьяволя ^ж и не достоин ему нарещись мнихом, понеже мнишество есть ангельский образ. Аще ли же высочайших мест и почести земныя ищем, сего ли ради ангели наречемся, или христови раби наречемся, не любяще вслед его ходити? Аще бы сам Христос мест на земли искал, не бы возлежал в яслех скотях. Егда же своя божественая многа показа чюдеса и разуме, яко хотят народи притти да восхитят его, и сотворят его царя, отоиде в гору един, славы бо земныя не требоваше и нам дая образ смирения, мы же ищуще земныя славы, како христови раби наречемся и послушатели повелению его, яко бо бог сам смирения низщету и всяко уничижение волею поноси? Мы же се отмещуше и гордости ищем. ^{л. 200} Сего ли ради лжеприимство сотворихом ангельскому образу? Цыа ангели множество богатства земнаго имуг, и слуг и коня стяжут, и мест высоких ищут? Но нества сего, иже бо обещавыйся богови и правду свершит по своему обету, еже мирская отринувше, сей лехко взлетит ко ангельскому житию. Аще же обещание погрешит сей будет ложь, яко дьявол, о нем же сам господь рече, «яко ложь есть». ^з Имый бо попечение о прибыткех мирских, сей божию молитву забыл есть, яко же рече господь: «не можете богу работати и мамоне», ^н и апостол глаголет: «любы плотская вражда на бога, закону бо божию не повинуется». ^к Се же ли есть мнишество, еже богатства и величества высоты земнаго места искати? Се ли есть ученик христов? Христови бо ученицы не язяху на многоценных конех со многими слугами, но единии пеши яко крилати || всю ^{л. 200 об.} землю обтекаста. Сам бо Христос егда смирению учаеша, прим отроча постави посреди их рече: «иже бо ся смирит яко отроча се, той есть болей во царствии небеснем». ^л Не сему бо Христос смирению уча еже ныне глаголют: аз смирен, но не сяди выше мене, аз смирен, но нигде же предваряй мене, аз смирен, но по мне глаголи, аз смирен, но требую многая. Христос же смирение ко отрочати приложи, отроча бо не мыслит ни предким величатися, ни богатети, но всякого меньши мнится, и от всякого боится, и повинуется всем, того ради болий есть во царствии небеснем, ибо избранный бо Павел, к Филиписею пиша, глаголет: «ничто же по рвеню, или по тщеславию, но смиренномудрием друг друга честию больша себе творяще». ^м Како же мних, ища мест мирския ^н гордости, и глаголется Христов раб? Мнози же иноцы и мирстии, покоявшися о всех согрешениих к духовному отцу, и той же час святому комканию спешат || инех напред, имущы в сердцы сатанину гордость. Гордости бо места ^{л. 207} токмо помысли сатана, и бысть свержен с небес в бездну, и вместо архангела дьявол наречен. Ныне же видим мнозех мних, не токмо помыслом, но и делом гордящися и ищуще величества и блядословяще, аще бо аз изгублю величество места, наведу си клятву. Сим бо лжа помогают себе, а не воспоминаа сего, еже Христос сам смирися до раба образа, и смиряющихся возвеличит во царствии небеснем. Сам бо господь рече: «еже есть в человецех высоко, мерзость есть пред богом». ^о Сего ради святии прославишася, яко низщету смирения стяжаша. Се бо есть заповеди бо-

^с Иоанн, XIV, 30. ^{ж-ж} Против этих слов на поле: яко да.
и Лука, XVI, 13. ^к Рим., VIII, 7. ^л Матф., XVIII, 4.

^з Иоанн, VIII, 44.
^н Филип., II, 3.

^м В ркп. над этим словом та. ^о Лука, XVI, 15.